



**R. P. Valerii Reginaldi Bvrgvndi Seqvani E Societ: Iesv,
Praxis Fori Poenitentialis**

Ad Directionem Confessarii, In Vsv Sacri sui muneris ...

Regnault, Valère <1543-1623>

Mogvntiæ, 1617

Cap. 15. De postulatione, ac nominatione ad beneficia,

[urn:nbn:de:hbz:466:1-78477](#)

sentienti non sit iniuria, neque dolus. Potest tamen esse peccatum, si in notabile detrimentum Ecclesie talis consensus procuraretur: vt quando multum indigeret opera dignioris. Sexus est, cum dignior non potest, aut non sine magna difficultate potest haberi; quia tunc censentur mortali-ter defesse digniores. Postremus est, quando in minus digne, concurrunt pietatis, misericordiae, vel utilitatis publicae argumenta: quae causam iustam arbitrio viri prudentis ostendat adesse, vt dignus praferatur digniori, etiam si non efficient illum dignorem. Ad huius confirmationem Nauar-
rus n. 8. quae dam adfert in vsl posita, quae nemo damnet, sed potius commendatione digna iudicet: vt quod mortuo in curia, de Ecclesia valde bene merito, nepoti ipsius sati-
digno conferatur beneficium vacans per illius mortem, quia reliquit parentes egentes subsidio.

CAP V T XV.

De postulatione, ac de nominatione personae
ad beneficia.

S V M M A R I V M.

- 201 Postulatio alia late sumpta, & alia stricta, quidque haec sit.
 202 Quis postulare, & quis postulari possit.
 203 Apud quem sit postulandum, & quod postulatione per ipsum comprobata, non sit opus confirmatione: quodque ante presentationem postulationis licet tam reuocare.
 204 Nominatio tum late, tum sibi iste sumitur, quidque sit stricte sumpta, ac quatuorplex.
 205 Notanda propraxi de nominatione que sit a Principibus ad beneficia Ecclesiastica.
 206 Conditiones in ea requisita, quando est ad Archiepiscopatum, an Episcopatum.
 207 Requisita quando ea est ad Abbatias, & Prioratus conuen-tuales, & electios.

201.

PO STU L A T I O late sumpta confunditur cum elec-tione: sumpta vero stricte, ut in titulo 5. lib. 1. Decretalium, & a nobis in presentiarum sumitur, ab ea distinguitur: definitio-riique potest congruerent iis quae habentur in cap. Bonae, 2. in cap. finali De postulatione Praelati. & in cap. Innotuit, De electione: simplex quadam personae eligi prohibita, non ob vitium, sed ob defectum Canonicum, ad Praelaturam petitio apud Superorem ynanimiter facta ab iis, qui ius eligendi habent. Ex qua definitione intelligitur triplex persona gentis considerandum esse in postulatione: videlicet postulantis, postulati & Superioris apud quem postu-latur.

202.

Ac quoad primum: postulare possunt qui eligere, ex cit. cap. Bonae: nempe Canonicci, & aliae personae collegiales, quibus de iure competit electio Praelati futuri. Introducta enim fuit postulatio, quia sepe accidebat, vt quis idoneus es-set ad Praelaturam, nisi talem eligi Canones prohiberent.

Quoad secundum vero, is in Praelatum postulari potest, qui summo iure eligi non potest: non tamen indifferenter quilibet: sed is solus, qui non est omnino idoneus, & cuius impedimentum ita tolerabili est, vt eo non obstante utiliter, & honeste prae-fici possit Ecclesia. Sique non potest hereticus, ac aliter criminofus postulari, iuxta cap. 1. De postulatione Praelatorum: potest vero qui ob defectum etatis aut quia ex illegitimo thoro natus est, aut quia nondum Clericus est, eligi non potest. Similiter Episcopus vnius Ecclesiae, qui in alia eligi non potest, postulari potest, ex cap. fin. cod. titul. Et qui nondum est Religiosus profesus, potest in abbatem postulari, quem non possit eligi, ex cap. Cum monasterium, De electione.

203.

Quod denique attingit ad tertium, is Superior potest postulationem admittere, qui super electionis impedimento, & defectu Canonico dispensandi ius habet & non aliis. Fa-taque ab eo postulationis comprobatione, ea habet effec-tum plenum electiops confirmatio: ita ut alia confirmatione requiratur: sed statim atque postulatus admissus est ab

ipso Superiore, sit ei potestas, & ius transiendi ad Ecclesi-
am postulantium, ex Syllo. in verbo, Postulatio, quæst. 6. Ex quo in precedentibus quæst. 2. add. satis esse ut postulatio fiat a maiori parte Capituli: & ex sequen. quæst. 8. Postulatione differre in hoc ab electione, quod publicato semel scrutinio, eligeentes variare non possint, aut retrocedere: quia per illam ius acquiritur electio: postulantes autem possint ante presentationem factam Superiori, variare ac retrocedere: etiam publicato scrutinio (nisi obstat fides praefixa com-promissio) qui postulantes solummodo declarant votum suum, dirigendo illud ad Superorem. Neque nullum ius postulato, cum sit inhabilis ad beneficium, acquiritur ex postula-tione. Et ideo postulatus non potest iure conqueri, si postu-lantes varient ante quam presentat sit Superiori. Quod quamvis ita sit, nihilominus postulatio potest esse sufficiens objectum peccati sumoniae: eo quod sit via quædam ad con-sequendum beneficium, quantumvis non tribuit ius aliquod ad illud. Alia quædam habet Syllo. in Cod. verbo, sed in quibus nihil est cur itumoremur, cum iam fere postulatio, sicut & electio defierit esse in vsl. Ad dicendum igitur de nominatione accedendum est.

Nominatio, sicut & postulatio, sumitur tum late, tum stricte: ac late sumpta sicut postulatio confunditur cum elec-tione: sumpta vero stricte, ab ipsa postulatione distin-guitur, quod postulatio de uno tantum fiat, & nominatio fieri possit de pluribus. Ea vero triplex est, prout ex Panor-mi refert Syllo. in verbo, Nominatio: & Rebus declarat in tra-ctatu nominationum quæst. prima num. 23. 24. & 25. Vna est qua inter electores ante scrutinio aliquis no-minatur tanquam idoneus ad beneficium: haecque nullum ius ad beneficium tribuit nominato, quia per eam tantum proponitur collegio, vt eligatur si placeat: modum enim habet tractatus, quo electores de idoneo eligendo inter se tractant. Altera est, qua sit in scrutinio electionis: seu qua quisque electorum solet dicere secreto, Eligio, aut nomine talem. Neq; etiam per eam acquiritur nominato ius ad be-neficium, quamvis scrutinio publicato, nominatis si dignum nominari, non possit variare, ex cap. Publicato, De elec-tione. Priuquam autem publicaretur variare potuisse, ad-ditibi. Syllo. Tertia est, qua duo, vel tres qui sunt digni-
res in Capitulo, vel collegio, nominantur Superiori, & peti-tur ut aliqui eorum prælaturam, seu beneficium conferat: qua nominatione Superiori oblatæ, nominantes non pos-sunt variare ex Reb. in tit. n. 25. Addente ex tali nominatione acquiri ius, vt ea pendente non procedatur ad electionem. Ceterum perinde ac electio, & postulatio, hodie nominatio ipsa stricte sumpta, raro in vsl est, excepta ea qua Ecclesiæ concessione, seu induito fit à Principibus in suis ter-ris ad Ecclesiæ Cathedrales, & ad Metropolitanas, atque ad Abbatias, & ad Prioratus conuentuales electos. Tali enim non solum visitata sed etiam visitatissima est.

De qua proinde Confessarius monendus est imprimis, in ea, perinde ac in postulatione nefandum simoniae crimen committit ab illis, qui pro ea dederint, vel acceperint pecu-niam, aut quid pecunia estimabile: quoniam ius nominandi spiritale est, non alter, vt nec ius patronatus laico com-pe-tens, quam per priuilegium ab Ecclesia concessum, nomi-natioque ipsa est via ad beneficium obtinendum, perinde ac electio, vel postulatio, in cuius locum es successit Papæ concessione. Deinde non esse factam concessionem no-minandi alium, quam idoneum, hoc est, habentem condi-tiones, tam eas, quas ius commune requirit, vt quis cen-satur dignus beneficio; ad quod assumitur (de quibus in precedentibus diximus) quam eas quas particulariter re-quiruntur concordata facta inter Papam, & Principem, cui concession fuit priuilegium nominandi: quales sunt ea quæ ex concordatis inter Papam, & Regem Galliæ, tit. De regia ad Praelaturas nominatione facienda, §. primo, colliguntur a Rebocco.

Prima est, vt Archiepiscopatus, aut Episcopatus, ad quæ Rex Galliæ nominare potest, iam vacet: ita ut nominare non possit ad vacaturum. Secunda, vt idem siue Archiepiscopatus, siue Episcopatus, spectet ad electionem, vel postu-lationem Capituli seu Canonorum: adeo ut electione, aut collatione spectante ad alios iure aliquo speciali, talis no-mina-

minatio locum non habeat. Tertia, ut nominatio fiat à Regis, non ait enim ab alio, nec alteri quam Papa, seu Sedi Apostolice: ita ut nominatio Regis non sufficiat, nisi sequatur Papa prouisio. Quarta ut nominatus, magister sit in Theologia, vel in ea licentiatus aut doctror in utroq; vel altero iure (nisi esset ex consanguinitate Regis, ac sublimibus personis, vel ex Religiosis, qui iuxta regulam suæ institutum, non possunt doctoralibus insignibus decorari) graduatus in universitate famosa cum rigore examinis. Quinta, ut sit persona gravis, honestaque virtute, nec leuis capituli, ac iudicij. Sexta, ut Rex unum tantum nominet, non plures, eumque constitutum saltem in 27. anno sua etatis. Postrema ut nominet intra sex menses a die vacationis: aut si nominet aliquem à Papa inuentum indignum, post tres menses a die recusationis intimatos solicitatori eiusdem Regis, nominet alium dignum: quod non faciens, Papa Ecclesie vacanti prouidere potest sine regia nominatione.

Quibus conditionibus partim similes, partim dissimiles idem author ex sequent. §. 2. colligit, requisitas ad nominationem quæ Regi Gallie conceditur facienda ad Abbatias aut Prioratus conuentuales, & electiios. Prima est, ut nominandus sit Religiosus. Secunda, ut sit eiusdem ordinis cum aliis Religiosis, quibus praeficiendus est. Tertia, ut sit in etate saltem 23. annorum. Quarta, ut nominetur à Rege ipsi Papa, aut Sedi Apostolica. Quinta, ut talis sit Abbatia sive Prioratus varet. Sexta, ut Rex intra tempus sex mensium nominet, siue nominatum Papa recusat ut indignum: in tra tres menses a die recusationis intimato eiusdem Regis solicitatori, nominet alium dignum. Septima, ut electio pertineat ad conuentum. Postrema, ut electus sit ex prelere professus. Isdem conditionibus limitatam esse facultatem nominandi concessam aliis Principibus, par est existimare. Ex illis autem facile est intelligere instatum damnationis esse illos, qui ob nominationem factam à Principe in ipsum fauorem, existimant quæsumus sibi esse ius disponendi de bonis Ecclesie, tanquam sibi donatis ab eodem Principe: qui id non potest, nec existimandus est facere tanquam ab omni ratione alienum.

C A P V T XVI.

De presentatione, que à patrono sit ad beneficia Ecclesiastica.

S V M M A R I V M.

- 208 Definitio iuris patronatus: & quomodo ipsum conueniat laico.
 209 Quibus competit ius patronatus.
 210 Explicatio dubii, An ius patronatus acquiri posse prescriptio & consuetudine.
 211 Que Patrono accedant ex iure patronatus.
 212 Tam Clerici, quam laici capaces sunt iuris patronatus, neque tantum apud unum, sed etiam apud plurimam esse potest tale ius.
 213 Notanda de donatione iuris patronatus.
 214 Notanda de eiusdem permutatione, ac de renditione.
 215 Quatenus licita sit venditio iuris patronatus, & quatenus simoniaca.
 216 De acquisitione iuris patronatus per successionem hereditariam.
 217 Locator rei cui annexum est ius patronatus, potest presentare. Idem ius nequit dari in pignus.
 218 Notanda de pluralitate patronorum.
 219 Quatenus censura in patrono sit impedimentum validatis presentationis.
 220 Non potest presentare seipsum, & de peccato presentantis indignum.
 221 Quando peccat presentans dignum relicto digne, & quod peccatum in eo commissum non impedit presentationis validatem.
 222 Quatenus absens possit presentari: & quod pater possit presentare filium suum.

- 223 Differentia duplex inter Laicum & Clericum presentantes.
 224 Episcopus institutus potest presentatum, & quis praeter ipsum idem posse.
 225 Quando in situo facta sine presentatione patroni sit aut non sit valida, ac quando fieri posse ab Episcopo, extra suum territorium.
 226 Summus: Pontifex potest derogare cuiunque iuri patronatus, & quando censendus sit de facto derogare.
 227 Quid, quando ius patronatus fuerit Regum aut aliorum magnorum dominorum: & quid cum fuerit simul Clericorum, & laicorum.
 228 Diversi modi quibus accipitur nomen institutionis presentati a patrone.
 229 Papa, & solitus, derogare potest conditiōnibus beneficiis. io apposita à fundatore.
 230 Cum adiecta est conditio ut beneficiarius dicat alias Missas, is debet esse Sacerdos.
 231 An actu Sacerdos esse debet us, qui presentatur ad tale b. neficiū.
 232 Quando conditio dicendi numerum Missarum, sic apposita est beneficio, ut materiam prebeat peccati, vel onus immoderatum induat, non valeret.
 233 Modis quibus ius patronatus ex: ingui potest.

D E hac materia in Decretalibus tam nouis quam antiquis, & in Clementinis habetur titulus De iure patronatus: de eaque amplissimum tractatum instituit Caesar Lambertinus, & de eadem praeter Canonum interpretes ad memoratum titulum, & Summularios in verbo, ius Patronatus, agunt multialij, inter quos sunt, Rebussus in praxi beneficiorum, 3. parte signatur, verbo, Nec non iuriis patrinatoris, Corasius in quarta parte paraphasis in materiali Sacerdotiorum cap. 6. & Couart. in practicis questionibus, cap. 36. & lib. 2. Variarum resolut. cap. 18. nouissime que Azor in 2. par. Moral. Institut. lib. 6. cap. 19. & quatuor sequentibus, ac Suarez. De religione tract. 4. lib. 4. cap. 28.

Primo autem considerabimus ius patronatus, secundo personam patroni presentantis, tertio personam presentandi, quarto personam invenientis presentatum, quinto conditions solitas apponni beneficiis patronatis.

S E C T I O I.

De iure patronatus.

D E finitur ius patronatus, ius spirituali annexum, quod ex gratia conceditur ei, qui contentiente Episcopo Ecclesiam aliquam vel fundavit, vel extruxit, vel dotavit. Cuius definitionis prima pars significatur, quod licet ius Patronatus sit spirituali potestate Ecclesie institutum habeaturque respectum aliquem ad Sacramentorum administrationem, vloque sit aliqui tenuis fpi. it. le, sicut ius eligendi Ecclesie ministros, non est tamen mere spirituale: sed (prout dicitur, De iudicis cap. Quarto, & De iure epagonatus, cap. De iure) spirituali annexum, antecedenter nimurum, seu tanquam dispositionem ad aliquid spirituale.

Secunda pars vero, quod ex gratia conceditur &c. significatur id quod loco citato numero 6. Corasius habet: quod cum spiritualibus annexa, naturam sapient spirituali, am, quorum laicus est prorsus incapax, iuxta cap. Decernimus, De iudicis: ius patronatus non possit summo iure à laicos possideri; sed ipsum gratis illis, de quibus fit mentio in reliqua parte definitionis, concessum esse: tum ut ceteri inuitarentur ad similem liberalitatem erga Ecclesiam: tum ne illis qui in sacrum usum aliquid contulissent, beneficium collatum perire videbatur.

Reliqua pars definitionis indicatur, quibus competit ius Patronatus: nimur illis qui Ecclesiam ipsam fundarunt, id est, ut etiam interpretatur Corasius: in sequenti numero 12. fundum in quo de Episcopi voluntate edificari eunt, donarunt: vel illis qui extruxerunt, hoc est, sumptus ad edificationem suppedarunt; vel illis, qui dotarunt, hoc est, perpetuum stipendium ministris in ea rem diuinam s. & utrius constituunt. Quod colligitur ex cap. Nobis,

208.

209.

De iure